

Samarqand davlat universiteti

Raqamli texnologiyalar fakulteti

“Matematik modellashtirish” kafedrası

Fan: Diskret matematika va matematik mantiq

**Mavzu: To‘plamlar va ular ustida amallar. To‘plam
Buleani. Dekart ko‘paytma**

Rabbimov I.

Samarqand - 2020

To'plamlar nazariyasining paydo bo'lishi

Matematikada, diskret matematika, kombinatorika va graflar nazariyasida ham, turli **to'plamlar** bilan ish ko'rishga to'g'ri keladi. Masalan, kutubxonadagi barcha kitoblar to'plami, lotin harflari to'plami, ot so'z turkumiga tegishli so'zlar to'plami, unli harflar to'plami, undosh harflar to'plami, suvda hayot kechiruvchi tirik organizmlar to'plami, natural sonlar to'plami, koinotdagi yulduzlar to'plami, to'g'ri chiziqda yotuvchi nuqtalar to'plami va hokazo.



Georg Cantor

To'plamlar nazariyasiga fan sifatida XIX asrning oxirida matematikani standartlashtirish bo'yicha o'z dasturini taklif etgan Cantor tomonidan asos solingan deb hisoblansada, to'plamlar bilan Kantordan oldinroq Bolsano shug'ullangan.

Kantor fikricha, istalgan matematik ob'yekt (shu jumladan, to'plamning o'zi ham) qandaydir to'plamga tegishli bo'lishi shart.

Berilgan xossaga ega bo'lgan barcha ob'yektlar majmuasi uchun umumiy nomni Cantor to'plam deb tushungan edi.

1- ta'rif. To'plamni tashkil etuvchilar shu to'plamning *elementlari* deb ataladi.

To'plamlar nazariyasida to'plamning elementlari bir-biridan farqli deb hisoblanadi, ya'ni muayyan bir *to'plamning elementlari takrorlanmaydi*.

To'plamni tashkil etuvchi elementlar soni chekli yoki cheksiz bo'lishi mumkin. Birinchi holda *chekli to'plamga*, ikkinchi holda esa, *cheksiz to'plamga* ega bo'lamiz.

To'plamlarni belgilashda, odatda, lotin yoki grek alifbosining bosh harflari, uning elementlari uchun esa alifboning kichik harflari qo'llaniladi. To'plamni tashkil etuvchi elementlar figurali qavslar orasiga olinib ifodalanishi mumkin.

Masalan, to'plamning a, b, c, \dots, z elementlardan tuzilganligini $A = \{a, b, c, \dots, z\}$ ko'rinishda yozish mumkin. Toq natural sonlar to'plamini B deb belgilasak, uni $B = \{m \mid m = 2n - 1\}$, bunda n – natural son.

To'plamlarning aksiomatik nazariyasi haqida tushunchalar

Hozirgi zamon to'plamlar nazariyasi **aksiomalar** tizimiga asoslangandir. Qandaydir aksiomalarga asoslangan nazariya **aksiomatik nazariya** deb yuritiladi . To'plamlarning aksiomatik nazariyasida bunday aksiomalar tizimi sifatida standart tizim hisoblangan Sermelo-Frenkel aksiomalari tizimini keltirish mumkin.

Hajmiylik aksiomasi. Ikkita A va B to'plamlar faqat va faqat aynan bir xil elementlardan iborat bo'lsagina tengdir.

Bo'sh to'plam aksiomasi. Birorta ham elementga ega bo'lmagan to'plam, ya'ni **bo'sh to'plam**, mavjud. Bo'sh to'plam uchun \emptyset belgisi qo'llaniladi.

Juftlik aksiomasi. Ixtiyoriy A va B to‘plamlar uchun shunday C to‘plam mavjudki, bu to‘plam elementlari faqat A va B to‘plamlardan iboratdir (ya’ni, A va B to‘plamlar C ning yagona elementlaridir). C to‘plam $\{A, B\}$ ko‘rinishda belgilanadi. Ushbu $\{A, B\}$ ifoda A va B ning tartiblanmagan juftligi deb yuritiladi. Agar A va B to‘plamlar teng bo‘lsa, u holda C bitta elementdan iboratdir.

Tanlash aksiomasi. Bo‘sh bo‘lmagan va o‘zaro kesishmaydigan to‘plamlar majmuasidagi har bir to‘plamdan bittadan “vakil”-element tanlab, shu elementlar to‘plami C ni tuzish mumkin. X to‘plam shu majmuaning qanday elementi bo‘lishidan qat’iy nazar X va C to‘plamlar faqatgina bitta umumiy elementga ega bo‘ladi.

2- ta'rif. Chekli to'planning elementlari soni shu to'planning quvvati deb ataladi.

Berilgan A to'planning quvvati $|A|$ ko'rinishda belgilanadi.

1- misol. Ushbu to'plamlar berilgan bo'lsin: $A = \{a\}$,
 $B = \{a, b\}$, $C = \{a, b, c, d, e\}$, $D = \{1, 2, 3, \dots, n\}$,
 $E = \{m \mid m = 2z\}$, $F = \{2, 3, 5, 7, \dots, p, \dots\}$, bu yerda n –
natural son, z – butun son, p – tub son. Berilgan oltita
to'plamdan to'rttasi – A , B , C va D to'plamlar chekli, E va
 F to'plamlar esa cheksiz to'plamlardir. Bundan tashqari,
 $|A| = 1$, $|B| = 2$, $|C| = 5$ va $|D| = n$.

Berilgan A to'plamga a element tegishliligi $a \in A$ yoki $A \ni a$ ko'rinishda belgilanadi va " a tegishli A " deb o'qiladi. "Tegishli" iborasining o'rniga, ba'zan, "qarashli" yoki "ta'luqli" iborasi ham qo'llaniladi. Qandaydir b ning A to'plamga tegishli emasligi, ya'ni b ning A to'plam elementi bo'lmasligi $b \bar{\in} A$, $b \notin A$ yoki $A \bar{\ni} b$ ko'rinishda yoziladi. Masalan, $A = \{2, 4, 6, 8, 10\}$ to'plam uchun $4 \in A$, $6 \in A$, va $10 \in A$ (bularni umumlashtirib, $4, 6, 10 \in A$ ko'rinishda yozish ham mumkin), lekin $12 \notin A$ va $14 \notin A$ (ya'ni, $12, 14 \notin A$).

3- ta'rif. Agar B to'plamning har bir elementi A to'plamda ham mavjud bo'lsa, u holda B to'plam A to'plamning **qism to'plami** deb ataladi.

B to'plam A to'plamning qism to'plami ekanligi $B \subseteq A$ yoki $A \supseteq B$ ko'rinishda belgilanadi.

4-ta'rif. *B to'plamning hamma elementlari A to'plamda bor bo'lib, shu bilan birga A to'plamda B ga kirmagan element(lar) ham topilsa, u holda B to'plam A to'plamning xos qism to'plami deb ataladi.*

B to'plam A to'plamning xos qism to'plami bo'lishi $B \subset A$ yoki $A \supset B$ ko'rinishda belgilanadi.

Ta'kidlash kerakki, $A \subset A$ yoki $A \supset A$ deb yozish mumkin emas. Shuning uchun, bu holatni ifodalash maqsadida, har qanday to'plam "o'zi o'zining xosmas qismi" degan iboradan foydalaniladi.

Qandaydir a tasdiqning o‘rinli bo‘lishidan boshqa b tasdiqning o‘rinli bo‘lishi kelib chiqsa, bu holat $a \Rightarrow b$ deb belgilanadi. Masalan, $(A \subseteq B \text{ va } B \subseteq A) \Rightarrow A = B$.

5-ta’rif. Agar a va b tasdiqlar uchun $a \Rightarrow b$ va $b \Rightarrow a$ bo‘lsa, u holda bu tasdiqlar **o‘zaro ekvivalent tasdiqlar** deb ataladi.

a va b tasdiqlarning o‘zaro ekvivalentligi $a \Leftrightarrow b$ deb belgilanadi.

2-misol. \mathbf{N} natural sonlar to‘plami \mathbf{R} haqiqiy sonlar to‘plamining qism to‘plamini tashkil etadi: $\mathbf{N} \subseteq \mathbf{R}$.


3-misol. Lotin unli harflari to‘plami Lotin harflari to‘plamining qism to‘plamidir.

To'plamlar ustida amallar

6-ta'rif. Har qanday ikkita to'plamning barcha elementlaridan, ularni takrorlamasdan, tuzilgan to'plamga shu to'plamlarning birlashmasi (yoki yig'indisi) deb ataladi.

$$A \cup B$$

4-misol. Agar $A = \{a, b\}$, $B = \{a, b, c\}$, $C = \{e, f, k\}$ bo'lsa, u holda $E = A \cup B = \{a, b, c\}$, $E \cup C = \{a, b, c, e, f, k\}$, $C \cup B = \{a, b, c, e, f, k\}$, $A \cup C = \{a, b, e, f, k\}$ bo'ladi.




1-shakl

7-ta'rif. Har qanday ikkita to'plamning barcha umumiy elementlaridan tuzilgan to'plamga to'plamlarning kesishmasi (yoki ko'paytmasi) deyiladi.

$$A \cap B$$

5-misol. $A = \{a, b, c\}$, $B = \{a, b, c, d\}$,
 $C = \{e, f, k\}$ bo'lsa, u holda
 $D = A \cap B = \{a, b, c\}$, $D \cap C = \emptyset$, $A \cap C = \emptyset$,
 $B \cap C = \emptyset$, $D \cap B = \{a, b, c\}$ bo'ladi.




2-shakl

8-ta'rif. *A to'plamning B to'plamda bo'lmagan barcha elementlaridan tuziladigan to'plamni hosil qilish A to'plamdan B to'plamni ayirish deb, tuzilgan to'plam esa, shu A va B to'plamlarning ayirmasi deb ataladi.*

6-misol. $A = \{a, b\}$, $B = \{a, b, c\}$,
 $C = \{e, f, k\}$ bo'lsa, u holda $A \setminus B = \emptyset$,
 $B \setminus A = \{c\}$, $B \setminus C = \emptyset$ bo'ladi.

$A \setminus B$




3-shakl

9-ta'rif: A va B to'plamlarning **simmetrik ayirmasi** (**halqali yig'indisi**) deb, A to'plamning B to'plamga, B to'plamning A to'plamga tegishli bo'lmagan elementlaridan iborat to'plamga aytiladi va $A\Delta B$ kabi belgilanadi. Shunday qilib,
 $A\Delta B = A\oplus B = (A\setminus B)\cup(B\setminus A)$

7-misol. $A = \{a, b\}$, $B = \{a, b, c\}$,
 $C = \{e, f, k\}$ bo'lsa, u holda $A\Delta B = \{c\}$,
 $B\Delta C = \{a, b, c, e, f, k\}$ bo'ladi.

$A\Delta B$ yoki $A\oplus B$




4-shakl

10-ta'rif. B to'plamning A to'plamga kirmagan barcha elementlaridan tuzilgan $B \setminus A$ to'plam A to'plamning B to'plamigacha to'ldiruvchi to'plami deb ataladi.

8-misol. Barcha juft sonlar to'plamini $A = \{2, 4, \dots, 2n, \dots\}$ ($n \in \mathbf{N}$) deb belgilasak, A to'plamni \mathbf{N} to'plamigacha to'ldirish amalini qo'llab $\bar{A}_N = \{1, 3, \dots, 2n-1, \dots\}$ to'plamni, ya'ni barcha toq sonlar to'plamini hosil qilamiz. Demak, barcha toq sonlar to'plami barcha juft sonlar to'plamini natural sonlar to'plamigacha to'ldiradi.

$$\bar{A}_B$$



4-shakl

11-ta'rif. Qaralayotgan barcha to'plamlarni o'zida qism to'plam sifatida saqlovchi to'plamga **universal to'plam** deb ataladi.

12-ta'rif. Berilgan to'plamning barcha qism to'plamlaridan tuzilgan to'plam to'plamning **buleani** (to'plam uchun **bulean**) deb ataladi.

9-misol. To'rtta elementga ega $A = \{a, b, c, d\}$ to'plam uchun 2^A bulean o'n oltita element-to'plamlardan iborat bo'ladi:

$$2^A = \{\emptyset, \{a\}, \{b\}, \{c\}, \{d\}, \{a, b\}, \{a, c\}, \{a, d\}, \{b, c\}, \{b, d\}, \{c, d\}, \{a, b, c\}, \{a, b, d\}, \{a, c, d\}, \{b, c, d\}, \{a, b, c, d\}\}.$$

Ravshanki, $|A| = 4$ va $|2^A| = 16$.

To'plamlar uchun asosiy tengliklar

1. $\vec{E} = \vec{E}$

2. $\vec{A} \cap \vec{B} = \vec{B} \cap \vec{A}$ – ko'paytmaga nisbatan kommutativlik qonuni.

3. $\vec{A} \cap (\vec{B} \cap \vec{C}) = (\vec{A} \cap \vec{B}) \cap \vec{C}$ – ko'paytmaga nisbatan assotsiativlik qonuni.

4. $\vec{A} \cup \vec{B} = \vec{B} \cup \vec{A}$ – yig'indiga nisbatan kommutativlik qonuni.

5. $\vec{A} \cup (\vec{B} \cup \vec{C}) = (\vec{A} \cup \vec{B}) \cup \vec{C}$ – yig'indiga nisbatan assotsiativlik qonuni.

6. $\vec{A} \cap (\vec{B} \cup \vec{C}) = (\vec{A} \cap \vec{B}) \cup (\vec{A} \cap \vec{C})$ – ko'paytmaga nisbatan distributivlik qonuni.

7. $\vec{A} \cup (\vec{B} \cap \vec{C}) = (\vec{A} \cup \vec{B}) \cap (\vec{A} \cup \vec{C})$ – yig'indiga nisbatan distributivlik qonuni.

8. $\vec{A} \cap \vec{A} = \vec{A}$

9. $\vec{A} \cup \vec{A} = \vec{A}$

10. $\vec{A} \cap \vec{A} = \vec{A}$

11. $\vec{A} \cup \vec{A} = \vec{A}$

Kortej tushunchasi.

Ixtiyoriy A_1, A_2, \dots, A_n to'plamlar berilgan bo'lsin. Bu to'plamlarning ixtiyoriy biridan, masalan, A_{i_1} to'plamdan qandaydir a_{i_1} elementni, A_{i_1} to'plamdan boshqa istalgan A_{i_2} to'plamning qandaydir a_{i_2} elementini va hokazo, oxirgi A_{i_n} to'plamdan qandaydir a_{i_n} elementni olamiz. Bu elementlarni ularning berilgan to'plamlardan olinishi tartibida joylashtirib $\langle a_{i_1}, a_{i_2}, \dots, a_{i_n} \rangle$ tuzilmaga ega bo'lamiz. Bu tuzilmada har bir element o'zining qat'iy joylashish o'rniga ega. Shunday usul bilan boshqa tuzilmalarni ham hosil qilish mumkin. Bu tuzilmalarning har biri **elementar kortej** (qisqacha, **kortej**) deb yuritiladi.

13-ta'rif. *Kortejni tashkil etuvchilar shu kortejning elementlari deb ataladi.*

14-ta'rif. *Kortejni tashkil etuvchi elementlar soni (kortejning uzunligi) kortejning quvvati deb ataladi.*

Quvvatlari teng bo'lgan ikkita kortejning mos o'rinlaridagi elementlari aynan bir xil bo'lsagina bu **kortejlar teng** deb hisoblanadi.

15-ta'rif. *Kortejni tashkil qiluvchi elementlar, uning komponentalari yoki koordinatalari deb ataladi.*

To'plamlarning Dekart ko'paytmasi va u bilan bog'liq ba'zi amallar.

16-ta'rif. *Tartiblangan A_1, A_2, \dots, A_n to'plamlar elementlaridan tuzilgan n o'rinli barcha kortejlar to'plami shu to'plamlarning Dekart ko'paytmasi deb ataladi.*

Ba'zan to'plamlarning Dekart ko'paytmasi iborasi o'rinda **to'plamlarning to'g'ri ko'paytmasi** iborasidan ham foydalaniladi.

Tartiblangan A_1, A_2, \dots, A_n to'plamlarning Dekart ko'paytmasi $A_1 \times A_2 \times \dots \times A_n$ yoki

$\prod_{i=1}^n A_i$ ko'rinishda belgilanadi, ya'ni

$$A_1 \times A_2 \times \dots \times A_n = \prod_{i=1}^n A_i = \{ \langle a_1, a_2, \dots, a_n \rangle \mid a_i \in A_i, i = \overline{1, n} \}.$$

To'plamlarning to'g'ri ko'paytmasi tushunchasidan foydalanib, **to'planning darajasi**

tushunchasi

$$A^n = \underbrace{A \times A \times \dots \times A}_{n \text{ marta}}$$

formula asosida kiritiladi. Masalan, $A^1 = A$, $A^2 = A \times A$, $A^3 = A \times A \times A$. Umuman olganda, $A^n = A \times A^{n-1}$.

10-misol. Berilgan ikkita $A = \{a, c, 1, \otimes\} \times \{1, \Delta\} \times \{\otimes, \Delta\}$ va $B = \{b, c, 1\} \times \{2, a, \Delta\} \times \{\otimes\}$ Dekart ko'paytmalarini toping.

Bu Dekart ko'paytmalar quyidagicha bo'ladi:

$$A = \{ \langle a, 1, \otimes \rangle, \langle a, 1, \Delta \rangle, \langle a, \Delta, \otimes \rangle, \langle a, \Delta, \Delta \rangle, \langle c, 1, \otimes \rangle, \langle c, 1, \Delta \rangle, \langle c, \Delta, \otimes \rangle, \langle c, \Delta, \Delta \rangle,$$

$$\langle 1, 1, \otimes \rangle, \langle 1, 1, \Delta \rangle, \langle 1, \Delta, \otimes \rangle, \langle 1, \Delta, \Delta \rangle, \langle \otimes, 1, \otimes \rangle, \langle \otimes, 1, \Delta \rangle, \langle \otimes, \Delta, \otimes \rangle, \langle \otimes, \Delta, \Delta \rangle \},$$

$$B = \{ \langle b, 2, \otimes \rangle, \langle b, a, \otimes \rangle, \langle b, \Delta, \otimes \rangle, \langle c, 2, \otimes \rangle, \langle c, a, \otimes \rangle, \langle c, \Delta, \otimes \rangle, \langle 1, 2, \otimes \rangle, \langle 1, a, \otimes \rangle, \langle 1, \Delta, \otimes \rangle \}$$

A va B to'plamlarning **Dekart ko'paytma** si:

$$A \times B = \{ (a, b) : a \in A \text{ and } b \in B \}$$

Agar $A = \{\text{Charlie, Lucy, Linus}\}$, va
 $B = \{\text{Brown, VanPelt}\}$, uholda

$$A \times B = \{(\text{Charlie, Brown}), (\text{Lucy, Brown}), (\text{Linus, Brown}), (\text{Charlie, VanPelt}), (\text{Lucy, VanPelt}), (\text{Linus, VanPelt})\}$$

$$\begin{aligned} & A_1 \times A_2 \times \dots \times A_n = \\ & = \{(a_1, a_2, \dots, a_n) : a_1 \in A_1, a_2 \in A_2, \dots, a_n \in A_n\} \end{aligned}$$

$$A, B \text{ chekli} \rightarrow |A \times B| = |A| |B|$$